

DIOGEN pro culture magazine & DIOGEN pro art magazine -ISSN 2296-0929; ISSN 2296-0910

Publisher online and owner, Sabahudin Hadžialić, MSc

E-mail: contact_editor@diogenpro.com / WWW: <http://www.diogenpro.com/>



Miroslav Pilj

Zlatna jabuka

*Sve što imam još i sad
samo tebi pripada.
Al' ja više nisam to
što sam bio nekada.*

*Isti ljudi, ista lica.
Isto nebo, jata ptica.
Sve je tu k'o nekada
ali, mi više nikada.*

*Zlatnu sam ti jabuku
s neba ubrao.
Al' i tebe mi, a i nju
netko ukrao.
Ne znam riječi bolje
osim : ne plači.
Suza poslije nevjere
više ništa ne znači.*

Čaša vina

*Ona je bila to nešto
u rodu sa zvijezdama.
Kroz prste mi promakla vješto
k'o pijesak i nestala.*

*Najdraža igračka njena
bila je oduvijek laž.
A, sada kada je nema
ne treba mi istina.*

*K'o čašu vina me je popila.
A, njoj bih sad da nazdravim.
Ako je bila greška, briga me!
Sto put bih da je ponovim.*

*Za nju je ovaj svijet
bio slijepa ulica.
Za mene je svaki dan bez nje
oštar k'o udica.*

*A, znao sam i onda o njoj
sve ovo što i sada znam.
Al', pamet nikada s tim
ništa nije imala.*

Poljubi me

*Dobra večer, prijatelji.
Dobro došli mi.
Prsti sudbine po svijetu
su nas rasuli.
Vrijeme je varalica stara
al' bar mi znamo sve te trikove.*

*Dobra večer, dobra vilo,
prva ljubavi.
Zbog tebe sam bio blesav, a i opet bih.
Uzalud godine ti prijete
Ti znaš kako se nikad ne stari.*

*Poljubi me
k'o prvi i posljednji put.
Zavedi me
Ja sam još dovoljno lud.
Potroši me
k'o zadnje tajne dukate.*

*I tko zna što će poslije svega
od nas ostati?
I sreća će ova, možda tuga postati.
A, mi ćemo u inat svemu isti ostati*

Iznad oblaka

Jedna večer sasvim prosta.

Komad tuge, zrna sna.

Meni tebe nikad dosta.

nakon svih tih godina.

Mlado vino, davne slike

k'o na platnu redaju se.

Da l' iz želje il' navike

one traju-ne daju se.

*A, gore iznad oblaka
svakom piše broj koraka.*

Ima li koga da kaže mi

da ću te sresti?

Bar da slaže mi.

Ne znam ja ništa o zvijezdama.

Ni što će biti kad se probudim.

Al' znam da moram da te poljubim

bar još jednom da ne poludim.

Svaki put

*Iza nas je put
što ni ti ni ja nismo birali.
Al' tko to zna
što bi to bilo s nama
da nas nije dotakla
zvijezda što zbog nas pala je zauvijek.
A,svaki put kad pomislim
da negdje drugo bolje je
ja sklopim oči i zamislim
sve ovo moje bez tebe.
I spreman sam sve da oprostim.
Za nas se sto put pomolim.
Jer u meni nema bez tebe ni ove snage Božije.
Ispred nas je svijet
što sve nas vjerno čeka kao dom.
A,tko to zna
za kog će jednom,
kad sve ovo prođe,
zasjati
zvijezda
što naša je bila oduvijek.
Budan sanjam te
i nikom ne dam te.
K'o tajnu čuvam te
jer ti si to što meni ostaje.*

Budi tu

*Budi tu.
Bar ti si kao ja.
Buti tu.
Moj poraz i pobjeda.
Budi tu.
Dug je put
odavde do vijeka
Bez tebe sam
pola čovjeka.
Budi tu.
Moj grijeh i molitva.
Budi tu.
Kaplja onog ludila.
Budi tu.
Loš je dan.
Kao bijeg sad želim te.
Već predugo s daljinom dijelim te.
Budi tu.
Moj vlak već polazi.
Budi tu.
Vrag po svoje dolazi.
Budi tu
bar još tren
pa nek' se svijet preokrene.
Ma, nek' idu svi
bar ti ne izdaj me.*

To mogu samo najbolji

*Od praha do kamena
sami protiv vremena
granice pobijediti
to mogu samo najbolji.*

*Od snova do vrhova
na krilima vjetrova
u oluju se pretvoriti
to mogu samo najbolji*

*I kad se tama prospe po nebu
s,put do svjetla se ne vidi
stisnuti zube
to treba znati
a,to mogu samo najbolji.*

*Od mraka do plamena,
od blata do znamenja
sami protiv svih
to mogu samo najbolji.*

*Do zvijezda iz pepela
i sebe pobijediti
postati i ostati
to mogu samo najbolji.*

Za tebe se borim

*S druge strane prozora
noć kao vino prosuta
donosi novo svitanje
al', uvijek isto pitanje.
Kada se karte otvore
a,oblaci progovore
kuda ćeš tada,jedina
sa svim tim svojim lažima.
Sudbina iznad krovova.
Još drhtim od tvog pogleda.
I gorim kao nekada
na tankoj niti ludila.
Ne brojim više korake
jer znam da moram do tebe.
Nakon svih ovih godina
nova je ljubav izdaja.
Za tebe se borim.
Ljubav je moje oružje.
Zbog nas sve rušim ispred sebe.
Za tebe se borim.
Ne pristajem na poraze.
I nema natrag! Nema predaje!*

Branim se

Svaka mi druga srce lomila.

Ona ga slomila.

Svaka me druga malo ljubila.

Ona me ubila.

*I uvijek kad sam na dno padao
njoj sam se nadao.*

*I uvijek kad se Bogu zaklinjem
samo nju spominjem.*

Branim se,branim, da nije mi sve

Ali mi,ne ide...ne ide.

*Lažem i sebe i prijatelje
da nije mi stalo do nje.*

Svaka je druga prošlost postala.

Ona je ostala.

Svaka me druga malo voljela.

Ona me boljela.

Branim se ,branim da nije mi sve

Ali mi ne ide...ne ide...

Pravi ljudi

*Nekuda su otišli.
Odveli ih drumovi.
Otišli, a ostali
na duši kao tragovi.*

*Još su živi u meni
oni dani naivni.
Dječaci zaneseni
još pjevaju o jeseni.*

*Samo oni znaju gdje
prije zore otići.
Samo oni mogu sve.
Srušit me i podići.*

*I tuge i sreće
istim vlakom dolaze.
Ali, pravi ljudi
nikada ne prolaze.*

U inat godinama

*Ponoć je tek
a, srce mi odavno raskopčano
baš kao košulja
od tebe dar.
A, tako mi sad
pjesma sva puna tebe treba
svog da me ispuni
i razbije.
Zbog tebe noćas
ni mjesec ne miruje
Na dohvat mi se primiče.
U ime svih naših promašaja
ljubi me u inat godinama.
Kao rulet zavrti me.
Vodi me odavde.
Toliko ti nakon sveg
barem dugujem
Predugo već ovo traje.
Ubrat ću ti noćas sve
ruže s tvoje haljine.
Toliko nam nakon sveg
mladost duguje.

Predugo sve ovo traje.*

Poslije tebe

*Sa okusom sna
k'o slika iz ogledala
ti odlaziš sa mojim baladama
i sudbinom na usnama.*

*Pokaži mi gdje
i što ću sa daljinama
što tope se sa jutrom u venama
bez tvoga oka boje sna.*

*Jer,
poslije tebe
dan nije dan.
I ne poznam samog sebe.
ali, znam
nisam sam
dok sam tu
u tvom snu.*

*Nasmiješi se, bar
i do vruga s daljinama.
Ja ne mogu bez tebe u grudima,
bez tvoga oka boje sna*

Crno bijela pjesma

*Godine brže od dana lete.
I suze i smijeh su Božiji dar.
Neke se greške dovijeka svete
Vrijeme je, ipak preskupa stvar.*

*Ponekad kažem: da mi se vratit,
dugove platit, al' i naplatit.
A, onda jutro raznese sjene
i pjesma sama od sebe krene.*

*Ja neću pola.
Život je cijelo.
Bilo to kome pravi ili krivo.
Pristajem nek' bude
sve crno ili bijelo.
O, Bože, samo da nije sivo.*

*A, sve to što šutiš
Bog nek' ti prosti.
Ti si pod nekim drugim
oblakom kisa.
I nemoj meni o prolaznosti.
Ja sam, bar prvak
u traženju smisla.*

Nebo boje vanilije

*Večer je k'o brzi vlak koji nigdje ne staje.
Palite me ti i mrak kao nikad ranije.*

*Ulica i mjesečina dobile su miris vina.
Laganim koracima hodamo po oblacima.*

*Tu na tvojim usnama stotinu je razloga
da mi srce udara kao bubanj Beatles-a.*

*Otkrij to što krije se iza tvoga pogleda.
I nacrtaj pravi put odavde do beskraj.*

*Noćas si moja plesačica.
i gorim kao prskalica.
Igraju sjene kao nikad prije
pod nebom boje vanilije.*

*Večer nas je dotakla prstima lopova.
Ova struja u nama visokog je napona.*

*Baci stara pravila. Kreni prema snovima.
Tragom tajnih znakova tamo gdje te čekam ja..*

Sve je manje pravih prijatelja

*Bilo je to vrijeme iz pjesme
kad nema tog što se ne sm'je.*

*Imali smo onda na dlanu cijeli svijet.
Živjeli za cure, nedjelju i nogomet.*

*Ako za sve na svijetu postoji cijena.
Koliko onda koštaju ona vremena.*

*I sve je manje i manje pravih prijatelja.
I svakim danom lakše sjećanje me stiže.
Sve je manje i manje pravih prijatelja.
A, što su dalje one godine su bliže.*

*I mogu živjet još sto života
Ali jedno nikad shvatiti neću.
Što sa praznom riječi ima ljepota?
I od kad je laž ime za sreću?*

*I gledaj dobro kome danas pružaš ruku
da ne bi dao ovcu na čuvanje ruku.*

S tobom je drugačije

*Haljina se uvija.
Sve o tebi priča mi.
Miris tvoj me opija
i žestoko prija mi.*

*I pelin i med...
u trenu i vatra i led.
Sve sam to,dao mi Bog
do sad probao.
A,vrag mira ne da mi,
al' ne k'o prije.
S tobom je drugačije.*

*Tvoja gola koljena
Od pameti me odvela.
A,iskra ispod haljine
Kao nikad pali me.*

*Usne na tvom vratu me
dovode do besvijesti.
Ja naprosto nisam,ne
mogao te ne sresti.*

U tvome tijelu

*Vatreni ritam u tvojim nogama.
U glavi mi se vrti ulica.
Kad sretnem te k-o baklja planem svaki put.
A, ti ni žena ni djevojčica.*

*Ma, hajde, sad je dosta.
Primakni se!
I pusti dodiri nek' govore.*

*U tvome tijelu...
Tu ljeto stanuje.
A, moje gori.
Zna dobro šta mu je.
Tom svojom vatrom
hajde, ugasi me.*

*K'o zrelu breskvu sad bih te pojeo.
U neku drugu priču bih te odveo.
To tvoje golo rame bih poljubio
pa makar poslije toga sve izgubio.*